



სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტი

ქ. თბილისი, 0114 ბ.პულუას ქ. 6, ტელ: +995 (32) 2720269



DES 0 20 00070083



30/12/2020

საქართველოს გარემოს დაცვისა და სოფლის მეურნეობის სამინისტროს
სტრატეგიული კომუნიკაციის დეპარტამენტის
პირველადი სტრუქტურული ერთეულის ხელმძღვანელს
ქალბატონ ნანა ჩინჩილაკაშვილს

ქალბატონო ნანა,

თქვენ 2020 წლის 24 დეკემბრის №12414/01 წერილის პასუხად, დეპარტამენტის კომპეტენციის ფარგლებში, წარმოგიდგენთ ინფორმაციას:

გარემოსდაცვითი ზედამხედველობის დეპარტამენტის შესაბამისი უფლებამოსილი პირების მიერ, 2020 წლის 16 ოქტომბერს, განხორციელდა მდინარე რიონზე ორსაფეხურიანი ჰესების კასკადის (ტვიში ჰესი 100 მგვტ დადგმული სიმძლავრით და ნამახვანი ჟონეთი ჰესი - 333 მგვტ დადგმული სიმძლავრით) მშენებლობის და ექსპლუატაციის პროექტში ექსპლუატაციის პირობების ცვლილებებზე (ქვედა ნამახვანი) საქართველოს გარემოს დაცვისა და სოფლის მეურნეობის მინისტრის 2020 წლის 28 თებერვლის №2-191 ბრძანების საფუძველზე, შპს „ენკა რინიუებლზი“-ზე (ს/კ 404507495) გაცემული გარემოსდაცვითი გადაწყვეტილებით განსაზღვრული ტერიტორიის დათვალიერება.

ტერიტორიის ინსპექტირებისა და დოკუმენტაციის დამუშავების შედეგად გამოვლინდა, რომ შპს „ენკა რინიუებლზი“-ს მიერ არ არის შესრულებული საქართველოს გარემოს დაცვისა და სოფლის მეურნეობის მინისტრის 2020 წლის 28 თებერვლის №2-191 ბრძანების საფუძველზე გაცემული გარემოსდაცვითი გადაწყვეტილების შემდეგი პირობები:

1. **ბრძანების მე-4 პუნქტის** შესაბამისად შპს „ენკა რინიუებლზი“ ვალდებულია საქმიანობის განხორციელება უზრუნველყოს მდ. რიონზე ჰიდროელექტროსადგურის კასკადის (ტვიში ჰესი - 100 მგვტ დადგმული სიმძლავრით და ნამახვანი-ჟონეთი ჰესი - 333 მგვტ დადგმული სიმძლავრით) განთავსებაზე დამტკიცებული 2015 წლის 25 დეკემბრის ეკოლოგიური ექსპერტიზის N73 დასკვნისა და მდ. რიონზე ორსაფეხურიანი ჰესების კასკადის (ტვიში ჰესი 100 მგვტ დადგმული სიმძლავრით და ნამახვანი-ჟონეთი ჰესი - 333 მგვტ დადგმული სიმძლავრით) მშენებლობის და ექსპლუატაციის პროექტში ექსპლუატაციის პირობების ცვლილებებზე (ქვედა ნამახვანი) აღნიშნული ბრძანებით გათვალისწინებული პირობების შესაბამისად, რაც არ არის შესრულებული. კერძოდ, არ არის შესრულებული N73 ეკოლოგიური ექსპერტიზის დასკვნის III თავის **მე-3, მე-4, მე-5, მე-9, მე-11, მე-13, მე-14, მე-16, მე-19-ე და 23-ე პირობებით დადგენილი ვალდებულებები;**
2. **ბრძანების მე-6 პუნქტის** შესაბამისად შპს „ენკა რინიუებლზი“ ვალდებული იყო მშენებლობის დაწყებამდე სამინისტროში წარმოედგინა შესაბამის უწყებებთან შეთანხმებული მშენებლობის სატრანსპორტო სქემა ქ. ქუთაისის შემოვლით, რაც არ არის შესრულებული;
3. **ბრძანების მე-7 პუნქტის** შესაბამისად შპს „ენკა რინიუებლზი“ ვალდებული იყო კაშხლის მშენებლობის დაწყებამდე წარმოედგინა სიღრმული წყალსაგდებებით გატარებული ნაკადის ენერჯის ჩაქრობის პირობები, რაც არ არის შესრულებული;
4. **ბრძანების 23-ე პუნქტის** შესაბამისად შპს „ენკა რინიუებლზი“ ვალდებული იყო მშენებლობის დაწყებამდე მონაცემების შედარების უზრუნველსაყოფად და სათანადო შემარბილებელი ან/და საკომპენსაციო ღონისძიებების გატარების მიზნით, გზმ ანგარიშით გათვალისწინებული ტვიშის ზონაში წარმოებული ყურძნის და ღვინის ხარისხობრივ მახასიათებლებზე განხორციელებინა მონიტორინგი, ასევე შემარბილებელი ან/და საკომპენსაციო ღონისძიებები შეეთანხმებია სამინისტროსთან, რაც არ იქნა შესრულებული;
5. **ბრძანების 25-ე პუნქტის** შესაბამისად, შპს „ენკა რინიუებლზი“ მშენებლობის დაწყებამდე ვალდებული იყო სამინისტროში შესათანხმებლად წარმოედგინა ფუჭი ქანების სანაყაროს პროექტები, რაც არ არის შესრულებული;
6. **ბრძანების 26-ე პუნქტის** შესაბამისად შპს „ენკა რინიუებლზი“ მშენებლობის დაწყებამდე ვალდებული იყო სამინისტროში შესათანხმებლად წარმოედგინა სამშენებლო მოედნების/ბანაკების პროექტები, რაც არ არის შესრულებული.

აღნიშნულიდან გამომდინარე, დეპარტამენტის დასავლეთის რეგიონულ სამმართველოში დაიწყო ადმინისტრაციული სამართალდარღვევის საქმის წარმოება გარემოსდაცვითი გადაწყვეტილების პირობების შეუსრულებლობასთან დაკავშირებით და საქმის წარმოების პროცესში მონაწილეობის თაობაზე ეცნობა კომპანიას დეპარტამენტის დასავლეთის რეგიონული სამმართველოს 2020 წლის 30 დეკემბრის №69949 წერილით (იხ. დანართი).

აქვე გაცნობებთ, რომ სამართალდარღვევის შესახებ ოქმის შედგენისა და შესაბამისი რეაგირების განხორციელების დასრულებისთანავე დამატებით წარმოგიდგენთ საქმის წარმოების მასალებს.

დანართი: 3 ფურცელი.

პატივისცემით,

ირაკლი მუკნიაშვილი
დეპარტამენტის უფროსი

№ 101

